

**Umiartorneq pillugu inatsimmik allannguinerit pillugit inatsisit aamma pappialanik nalilinnik atortussaa junnaarsitsinermut inatsisip Kalaallit Nunaannut atuutilersinnerinut peqqussummut allannguutinit Namminersorlutik Oqartussat akuersinissaat pillugu Inatsisartut aalajangiiffigisassaattut siunnersuut.**

(Ineqarnermut Attaveqaasersuutinullu Naalakkersuisoq)

**NAQQIUT**

(Oqaaseqatigiiaanik ataasiakkaanik naalisagaq)

**Saqqummiussissut**

(Ineqarnermut Attaveqaasersuutinullu Naalakkersuisoq)

**Siullermeerneqarnera**

Umiarsuarnik nalunaarsuineq pillugu maleruagassat Kalaallit Nunaannut atuutilereri pillugit kunngip peqqussutissaatut siunnersuut, Naalakkersuisut sinnerlugit saqqummiunneqarpoq.

Inatsit atuuttoq ullutsinnut naleqqunnerulersillugu, tulluarnerulersillugulu nutarterneqarnissaa siunnersuuteqarnikkut siunertaavoq. Umiarsuarnik nalunaarsuisarnerup digitaliseerinngortinneqarnissaanik siunnersuut aamma malitseqassaaq.

Imarsiornermut inatsisip allanngortinneqarnissaa pillugu inatsisip kiisalu pappiaqqat nalillit atorunnaarsinneqarnissaa pillugu inatsisip Kalaallit Nunaanni atuutilersinneqarnissaa pillugu kunngip peqqussutaa, 2020-mi ukiakkut Inatsisartunit oqaluuserineqarpoq, siunnersuullu akuersissutigineqarluni. Inatsimmut allannguutit taakkua atuutilersinneqarnissaa, umiarsuarnik nalunaarsuisarnerup digitaliseererneqarnissaaq utaqqineqarnikuuvoq, taamaattumillu atuutilersinneqarnikuunatik.

2020-mi kunngip peqqussutaa annikitsumik allannguuteqarmat, Inatsisartut suliamik tassannga oqaluuserinneqqissasut qinnuigineqarput. Taamaalilluni kunngip peqqussutaa tamakkerlugu Inatsisartunut ingerlateqqinneqaaqqippoq. Peqqussummi allannguutit kisiisa Inatsisartut oqaluuserissagaat siunnersuutigineqarpoq.

Umiarsuit nalunaarsorsimaffiinik digitaliseeriisinaanermut tunngatillugu, maleruagassat aamma Kalaallit Nunaannut aammalu umiarsuarnut Kalaallit Nunaanni angerlarsimaffeqartunut atuutsinneqalernissaa pingaaruteqarpoq. Taamaalilluni kunngip peqqussutaanik iluarsisuteqarneq manna, Kalaallit Nunaata digitaliseeriinermik

iluaquteqarsinnaanissaa aamma qulakkeerneqassaaq. Allakkanik nassiussisarnerit pappiaqqanillu uppersaatissanik nalunaarsuisarnerit maannamut atorneqartut atorunnaarsinneqassapput. Taamaattumik maleruagassat akuerisat ataatsikkut Danmarkimi, Kalaallit Nunaannilu atuutilissasut siunnersuutigineqarpoq.

Taamatut oqaaseqarlunga Naalackersuisut sinnerlugit immikkoortoq Inatsisartuni kajumittumik suliaannngorlugu tunniuppara.